

Okupaciona analiza i analiza aktivnosti

Prikaz slučaja br. 2 *EVA*

Žena, 51 godina. Živi sama u iznajmljenom stanu . Ima invalidsku penziju

Istorijat:

Eva je imala težak život. U djetinjstvu je u automobilskoj nesreći doživjela traumatske povrede glave i mozga, što je za posljedicu ostavilo kognitivni poremećaj. Zatim, u mladosti je trpila seksualno zlostavljanje koje je nad njom vršio brat, a i prijatelji su je silovali. O svojim traumama je pričala tek nakon psihijatrijskog tretmana (2012).

Eva je imala poteškoća kroz cijelo školovanje. Nije mogla ići na zanat, ali se uspjela zaposliti kao trgovac u supermarketu. Upoznaje svog muža, radnika iz južne Evrope. Ne mogu imati djecu (ona pati od endometrioze) i otpočinju dugu proceduru usvajanja koja je krunisana dolaskom dječaćića azijskog porijekla. Porodični život je težak; teško im je brinuti se o djetetu, pa su pod nadzorom službe za zaštitu omladine (služba koja pruža podršku roditeljima, štiti i može oduzeti djecu iz porodice). Kada je napunio 16 godina, dječak je smješten u popravni dom. Njegovi roditelji se rastaju; Evi je sve gore i pokušava samoubistvo; smještena je na psihijatrijsku kliniku. Po otpuštanju iz bolnice, jedna psihijatrica preuzima brigu o njoj i upućuje je na okupacionu terapiju.

Prije primanja psihijatrijske njege, Eva je imala brojne tretmane i operacije somatskog tipa za različite probleme (ozbiljna proširenja vena; astma, hemoroidi, hernija).

Posljednjih godina je radila kao školski saobraćajac (pomažući djeci da pređu ulicu u blizini škole) i kao domar u svojoj zgradi, ali zbog svoje bolesti i izostanaka s posla, ostala je bez oba radna mjesta. Podnesen je zahtjev za invalidninu (iznos naknade je dovoljan za jako skroman život) i 2014. godine je dobila rješenje. Od tada više nije u stanju raditi, već samo održava svoje zdravstveno stanje stabilnim.

Trenutna situacija:

Eva žvi sama sa svojim psom koji je treniran da pomaže invalidnim osobama.

Često boravi na psihijatrijskim klinikama, a sada je u gerijatrijskom domu.

Redovno viđa sina koji je još uvijek u domu i pohađa zanat.

Njene komšije čine njenu društvenu mrežu, mnogo se brinu o njoj. Oni kontaktiraju centralu za uzbune (Sécutel-narukvica na zglavku koja može poslati signal ukoliko je osoba u opasnosti).

Zbog nemogućnosti da upravlja svojim novcem i poslovima, dodijeljen joj je pravni staratelj.

Dijagnoza:

- Borderline sindrom sa simptomima disocijalnog poremećaja ličnosti i napadi tetanije
- Izražene suicidalne misli
- Lagano depresivno stanje
- Kognitivni poremećaj

Ljekara posjećuje jednom sedmično, terapeut medicinski tehničar joj dolazi u kućnu posjetu jednom sedmično, te dvaput sedmično ona dolazi na okupacionu terapiju.

PONEDJELJAK	UTORAK	SRIJEDA	ČETVRTAK	PETAK
OKUPACIONA TERAPIJA	PSIHIJATAR	TAI-CHI	OKUPACIONA TERAPIJA	TERAPEUT TEHNIČAR

Okupaciona analiza i analiza aktivnosti

Tim za podršku - svaka tri mjeseca sa gore navedenim učesnicima, osim Tai-chi.

- - 2x godišnje sa starateljem.
- - 2x godišnje sa sinovljevim timom za podršku, ali kako je on odrastao, to prestaje.

Okupaciona terapija

Preporuka ljekara: procjena sposobnosti s ciljem podnošenja zahtjeva za tuđu pomoć i njegu.

1° Izvještaji: EMAE i ELADEV

2° Okupacija

3° Motivirajuća podrška

4° Učenje tehnika opuštanja

Napredak i aktivnosti obavljene u okviru okupacione terapije

Okupaciona terapija je započeta u martu 2012. godine; redovno viđam Evu dvaput sedmično.

Okupaciona terapija se sprovodi u ordinaciji, ali ponekad joj odlazim u kućnu posjetu jer prolazi kroz napade agresivnosti kada sve razbija, pa je potrebno dovesti stan u prvobitno stanje – to skupa radimo.

Integracija u grupi je iznimno važna jer kada je ova pacijentica sama, simptomi se samo pogoršavaju. Korist grupe je u tome što omogućuje socijalizaciju, a neke pacijentice je viđaju čak i mimo okupacione terapije, kako bi se družile.

Tipologija aktivnosti: Čvrsta struktura
Relativno brza realizacija ili podijeljena po zadacima
Izraženo pohvaljivanje
Manjeg stepena težine ili podijeljene po zadacima
Zadaci sa generaliziranjem

Evaluacija

Vidjeti izvještaj EMAE u prilogu

Trenutni izvještaj: vidjeti izvještaj u prilogu.

Daljnje postupanje Nastavak rada na ostvarenju cilja da osoba ostane kod kuće i da joj se mentalno zdravlje stabilizira.